



SAKSFRAMLEGG

Sakshandsamar:	Arkiv:	ArkivsakID
Tore Henrik Øye	FE-026, FA-C22, HistSak-11/321	14/929

HANDSAMING AV FRAMLEGG OM Å TA OPP NYE MEDLEMMAR I BERGEN OG OMLAND FRILUFTSRÅD

Vedlagte saksdokument:

Sak til vedtak i kommunestyret - nye deltakere til Bergen og Omland Friluftsråd
Saksutredning nye kommuner til BOF
Samarbeidsavtale mellom deltagerkommunene og Bergen og Omland Friluftsråd
Referat fra årsmøte BOF 2023 - signed
Forslag til ny samarbeidsavtale Bergen og Omland Friluftsråd

Kommunedirektøren sitt framlegg til vedtak:

Kommunestyret i Vaksdal kommune gjev med dette si tilslutning til at kommunane Fedje, Gulen, Masfjorden og Modalen blir nye deltakarar i Bergen og Omland Friluftsråd Kommunalt Oppgavefellesskap (BOF), med verknad frå 01.01.2024.

Ansaret og pliktene til dei nye deltakarkommunane følgjer av samarbeidsavtalen og «Lov om kommuner og fylkeskommuner (kommuneloven), LOV-2018-06-22-83 frå 01.01.2020».

Kommunedirektøren sender over melding om vedtak til BOF straks etter fatta vedtak.

Saksopplysningar:

Samandrag/konklusjon (kort om saka)

Administrasjonen i Bergen og Omland Friluftsråd (BOF) har sendt ut sakutgreiing, med vedtaksframlegg, til deltakarkommunane om opptak av 4 nye kommunar i organisasjonen.

Sakutgreiinga og framlegget til vedtak tek utgangspunkt i Representantskapet sitt møte den 23. mars 2023.

Kommunestyra i deltakarkommunane er bedne om å gje tilbakemelding innan 31.12.2023.

Med bakgrunn i utsendt saksutgreiing, går kommunedirektøren inn for å støtte vedtaksframlegget som det ligg føre.

Bakgrunn for saka

På bakgrunn av vedtak på ordinært møte i Representantskapet i BOF den 23. mars 2023, har dagens deltakarkommunar fått tilsendt saksutgreiing med framlegg til vedtak om å ta opp nye deltakarar i

organisasjonen. Dei aktuelle kommunane er Fedje, Gulen, Masfjorden og Modalen, som alle har søkt om medlemskap.

Representantskapet i BOF sitt vedtak i sak 6 «Innkomne saker», punkt 2 «tilslutning av nye deltakerkommuner», lyder:

- «Representantskapet gir sin tilslutning til at kommunene Fedje, Gulen, Masfjorden og Modalen blir nye deltakere i Bergen og Omland Friluftsråd Kommunalt Oppgavefellesskap med virkning fra 01.01.2024. Representantskapet ber om at de nye kommunenes søknader og forslag til ny samarbeidsavtale sendes ut til alle nåværende deltakerkommuner for godkjenning».

Utgangspunktet for spørsmålet om å ta opp nye medlemmar, er Vestland fylkeskommune si oppmoding til kommunane i fylket, om å søkje deltaking i friluftsrådet. Utsendt saksutgreiing med framlegg til vedtak, er signert av styreleiar og dagleg leiar i BOF.

Framlegget til vedtak om å ta opp nye deltakarkommunar, lyder:

- «Kommunestyret i kommune gir med dette sin tilslutning til at Fedje, Gulen, Masfjorden og Modalen blir nye deltakerkommuner i Bergen og Omland Friluftsråd Kommunalt Oppgavefellesskap med virkning fra 01.01.2024. De nye deltakerkommunenes ansvar og forpliktelser følger av samarbeidsavtalen og lov om kommuner og fylkeskommuner (LOV-2018-06-22-83 «kommuneloven»).

Opptak av nye deltakarkommunar krev endring av dagens samarbeidsavtale, som berre kan gjerast på ordinært eller ekstraordinært representantskapsmøte. For at endring av samarbeidsavtalen skal vere gyldig, må minst 2/3 av dei frammøtte med stemmerett, stemme for endringa.

Endringa av § 1 «Oppgavefellesskapets navn og deltakerkommuner», krev samtykke frå alle deltakande kommunar ved opptak av nye deltakarar, jf. § 8 i samarbeidsavtalen.

I utsendinga til deltakarkommunane har administrasjonen lagt ved dagens samarbeidsavtale og framlegg til ny samarbeidsavtale, med markering av endringane som må gjerast ved opptak av nye kommunar.

Nærare grunngjeving for å gjennomføre ei utviding, går fram av vedlagt saksutgreiing med framlegg til vedtak.

Administrasjonen i BOF ber om at kommunestyra handsamar presentert framlegg innan 31.12.2023.

Formelt grunnlag

- «Lov om kommuner og fylkeskommuner (kommuneloven), LOV-2018-06-22-83 frå 01.01.2020»
- «Samarbeidsavtale for Bergen og Omland Friluftsråd Kommunalt Oppgavefellesskap (BOF)»

Vurdering og konsekvensar

I BOF si utsendte saksutgreiing vert opptak av nye deltakarkommunar vurdert ut frå tilbodet som BOF kan gje, samt organisasjonen sin kapasiteten i høve til arbeidsoppgåver, verknadane for dagens kommunar og resultata av ei utviding.

Om desse forholda seier saksutgreiinga følgjande:

- *«Opptak av nye deltakerkommuner vil komme eksisterende deltakerkommuner til gode gjennom et bedre friluftstilbud i nye og eksisterende utfartsområder. Administrasjonen mener også at deltakelse i BOF vil komme de nye deltakerkommunenenes innbyggere til gode. Tilbudet til organisasjoner, enkeltpersoner, bygdelag og dugnadsgjenger vil kunne bli bedre ved å benytte BOF sin organisasjon i stedet for, eller i tillegg til, kommunenes egne staber.*
- *Med et tjenestespekter som nevnt ovenfor er administrasjonen trygg på at opptak av nye kommuner ikke skal gå på bekostning av service-nivået til de eksisterende deltakerkommunene.*
- *En videre vekst både i antall kommuner og friluftsområder (i eksisterende og fremtidige deltakerkommuner) vil før eller senere medføre behov for endret organisering, for eksempel en desentral løsning i samarbeid med (noen av) kommunene og/eller utvidet stab i selskapet».*

Kommunedirektøren meiner at utsendte sakspapir gjev ei grundig vurdering av saka, og har ikkje nærare kommentarar til utgreiinga.

Kommunedirektøren går inn for at BOF tek opp nye deltakarkommunar i tråd med utsendt framlegg til vedtak.